

— 528 —

restina, den von Friburg, von Brisach oder von Nüwenburg dehein angriffe beschehe, so sol die stat der der angriffe beschabe, dem amptman dar vmb botschaft tuon, daz er wider fere, vnd tage an gelegentlichen stetten darvmb leiste. Wider ferte er denne nit, so möchte im die stat, der der angriffe beschehen were, die vrsage tuon alz vor bescheiden ist ze gleicher wise, alz sinem herren ob er im lande were. Zetent ouch die von Friburg, die von Brisach, oder die von Nüwenburg, dez amptman vnder vns, der nit im lande were deheinen angriffe, da sol der amptman der stat, die den angriffe hette getan, botschaft vmbe tuon, daz si es wider fere, vnd tage an gelegentlichen stetten darvmb leiste. Wider ferten sū denne nit, so mag ir der amptman darvmb absagen ze gleicher wise, als ob sin herre im lande were. Es hant ouch die von Friburg, die von Brisach, vnd die von Nüwenburg, ir herren die dehne ir herren sint, vsgenomen, vnd hant ouch wir die obgenanten herren, rittere vnd knechte, ze gleicher wise vnsere herren von den wir belehent sint ouch vsgenomen, also das dieselben stette iren herren, vnd ouch wir vnd vnser erben vnsern herren, von den wir belehent sint, tuon sellent, was wir inen bedest von rehtes wegen sollen tuon, vnd sol das an die vrsage nit gan. Es sellent ouch die von Friburg, von Brisach, vnd von Nüwenburg, vnd ir ieglicher besundet bliben bi allen iren friheiten, gericht, rehten, gütern, nutzen vnd gewonheiten, vnd sullent wir die obgenanten herren, rittere vnd knechte, noch vnser erben, noch vnser deheiner sū daran weder sumen noch irren, vsgenomen der burgere vnsere lüte als vorbescheiden ist, vnd sol ouch ieglicher vnder vns vnd vnsern erben, sine gericht haben vnd halten, als er sū von billich vnd durch reht haben sol ane geuerde. Hette ouch ieman der iren vf vnser dehein, oder vf vnsern lüten, oder gütern, oder wir vffen inen deheinen zins oder gülte, dem sol sin reht behalten sin. Herüber ze eime vffen waren vrfünde dirre vorgeschribenen dinge, daz die alle war vnd siete bliben, darvmb so hant wir die obgenanten